



S jučerašnje konferencije za novinare

Podaci iz zemljišnih knjiga u Sarajevu „izbačeni“ na internet

Općinski sud Sarajevo uspio je suzbiti korupciju u Zemljišnoknjižnom uredu, skratiti vrijeme čekanja za obradu predmeta i riješiti zaostatke koji su datirali još iz 2000. godine, potvrdio je predsjednik tog suda Goran Salihović na jučerašnjoj konferenciji za novinare.

Od 17. jula moguće je izvršiti informativni uvid putem interneta u do sada digitalizirane podatke ZK ureda u Sarajevu. Građani BiH o svom zemljišnoknjižnom stanju mogu se informirati putem

interneta na www.zkk.ba čime se smanjuje gužva u zemljišnoknjižnim uredima.

Program je realiziran u saradnji s Projektom za zemljišnu administraciju, koji od 2003. implementira njemačka vladina organizacija GTZ, a finansiraju ga vlade Švedske i Austrije putem SIDA-e i ADA-e.

Dinamika rješavanja predmeta prije implementacije reformi bila je u prosjeku 1.800 mjesečno. Od januara 2006. to je 3.500 i 4.000 predmeta.